

vnd verhebe die ohren / auch den mund zu / das der dampff vber sich gehe ynn das heubt / thus offt / es hilfft dich. Item wasch die schynbeine offt mit dem harn / es hilfft auch / Odder nym wermut / send die ynn wasser / vnd wasch dich damit hynter den ohren vnd an schlaff / so heys du das magst erleiden / vñ thus offt. Item isse alle morgen Coriander zucker.

### Zu der Nasen.

Wem die Nase ynnwendig zubricht / das sie schmeckt / der neme Gerolodiam laxatum aus der apotheken / vnd streich den ynn die nasen / odder nym Deyel vnd Gummi / stos es zusammen / vnd blase es ynn die nasen. Fur vberiges bluten der nasen.

Nym Allant Kraut vnd halts fur die nasen / odder nym Bethonien bletter / stos sie zu puluer / vnd thu ein wenig saltz darzu / stos des ynn die nasen vnd halt die wol zu / es verstehet.

#### Ein anders.

Nym Wegerich safft ynn ein baumöle / stos es ynn die nasen / Odder setz ein Felberem krentzlein auff dein heubt &c. Item nym ein Singron blat auff die zungen / es verstehet.

#### Ein anders.

Nym eins schweins Kot / halts also warm fur die nasen / ist es kalt so werns ynn einer pfanne / es verstellts on zweinel. Odder nym Nessel safft / streichs an die styrn / odder nym nessel wurtz / Rew sie als woltestu sie verschlingen / wirffs aber widder heraus.

#### Ein anders.

Nym das blut / so denn aus der nasen fleuse / vnd brenne das zu puluer / vnd thu sein ynn die nasen so anner mehr blut / es verstellts schon.

### Zu dem Antlitz.

B ij

Wer mae: